

ხელშეკრულება
სახელმწიფო შესყიდვის შესახებ №109

დ. ხულო

14 ივნისი 2017 წელი

ერთის მხრივ ხულოს მუნიციპალიტეტი (შემდგომში „შემსყიდველი“) წარმოდგენილი გამგებლის ბესიკ ბაუჩაძის სახით და მეორეს მხრივ შპს „ჩარტერი“ (შემდგომში „მიმწოდებელი“) წარმოდგენილი წარმომადგენლის ზაზა დავითაძის სახით, ორივე ერთად წოდებული როგორც „მხარეები“, გამარტივებული ელექტრონული ტენდერის აუქციონის გარეშე (NAT170005924) ჩატარების შედეგად ვდებთ წინამდებარე სახელმწიფო შესყიდვების შესახებ ხელშეკრულებას შემდეგზე:

1. გამოყენებული ტემინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 “მიმწოდებელი” ნიშნავს იურიდიულ ან ფიზიკურ პირს, რომელმაც მოიპოვა გამარჯვება ტენდერში და აფორმებს (გააფორმა) შემსყიდველთან ხელშეკრულებას სახელმწიფო შესყიდვის შესახებ;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.
- 1.6 „მომსახურება“- ხელშეკრულების მე-2 მუხლით განსაზღვრული ხელშეკრულების საგანი

2. შესყიდვის საგანი

21. მგზავრთა გადაყვანის სატრანსპორტო მომსახურების შესყიდვა (ანსამბლ „არგინეთის“ და ანსამბლ „ხულოს“ ბულგარეთის ქალაქ ორიაპოვიცაში საერთაშორისო ფოლკლორულ ფესტივალ „რაპოვჩე“-ზე მონაწილეობის ორგანიზების მომსახურება), (CPV 79900000, 79952000):

2.2. ხელშეკრულებით გათვალისწინებული მომსახურების აღწერა და შესყიდვის ობიექტის ერთეულის ფასი, მთლიანი თანხა განისაზღვრება ტექნიკური პირობების დანართი №1-ის და ფასების ცხრილის დანართი №2-ის მიხედვით, რომლებიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება და ფასები

3.1 მიმწოდებლის მიერ დაფიქსირებული მომსახურების ფასი წარმოადგენს ხელშეკრულების ღირებულებით პარამეტრებს.

3.2. ხელშეკრულების ღირებულება შეადგენს 14625 (თოთხმეტიათას ექვსასოცდახუთი) ლარს.

3.3. ხელშეკრულების ჯამური ღირებულება უნდა მოიცავდეს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

3.4 წინასწარ გაუთვალისწინებელი სხვა დანიშნულების მგზავრთა გადაყვანის, რაოდენობისა და მოცულობების ცვლილებების საჭიროების წარმოქმნის შემთხვევაში ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

3.5. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების

პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევების.

3.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა.

3.6. ხელშეკრულებით გათვალისწინებული მისაწოდებელი მომსახურების ფასები მოცემულია დანართი №2, რომელიც წარმოადგენს ხელშეკრულების განუყოფელ ნაწილს

4. შესყიდვის ობიექტის მიწოდების ვადები, ადგილი და პირობები.

4.1. მომსახურების გაწევის ვადაა 2017 წლის 17 ივნისიდან 2017 წლის 27 ივნისის ჩათვლით პერიოდი, ტექნიკური დავალება დანართი N1-ის შესაბამისად.

4.2. მგზავრთა დროულად და უსაფრთხოდ გადაყვანა უნდა განხორციელდეს ყველა სატრანსპორტო წესების დაცვით.

4.3 გასაწევი მომსახურების პერიოდის განმავლობაში ავტოსატრანსპორტო საშუალებები უნდა იყოს ტექნიკურად გამართულ მდგომარეობაში.

4.4 მომსახურების მიწოდება ხორციელდება შემდეგი მარშრუტით: ხულო (საქართველო), თურქეთის რესპუბლიკის გავლით, ბულგარეთის რესპუბლიკა, ქ. ორიაპოვიცა- ხულო (საქართველო).

5. მხარეთა უფლება-მოვალეობები

5.1. შემსყიდველი უფლებამოსილია:

ა) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.2 შემსყიდველი ვალდებულია:

ა) უზრუნველყოს მიწოდებული მომსახურების წინამდებარე ხელშეკრულების პირობებთან შესაბამისობის კონტროლი და დადებითი შეფასების შემთხვევაში მისი მიღება და ანგარიშსწორება ხელშეკრულებით გათვალისწინებული წესით.

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5.3. მიმწოდებელს უფლება აქვს:

ა) მოსთხოვოს შემსყიდველს მიწოდებული მომსახურების საბოლოო ანაზღაურება ხელშეკრულებით გათვალისწინებული პირობებით.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

გ) უზრუნველყოს მომსახურების გაწევა დანართი №1-ის და დანართი N2-ის მიხედვით.

6. ხარისხი

6.1. გაწეული მომსახურების ხარისხი უნდა შეესაბამებოდეს დადგენილ სტანდარტებს.

6.2. მგზავრთა დროულად და უსაფრთხოდ გადაყვანა უნდა განხორციელდეს ყველა სატრანსპორტო წესების დაცვით და გათვალისწინებით;

7. ხელშეკრულების შესრულების კონტროლი

7.1 შემსყიდველის მიერ ხელშეკრულების შესრულების კონტროლი განხორციელდება ხელშეკრულების მოქმედების პერიოდში შემსყიდველის მოთხოვნათა შესაბამისად.

7.2 ინსპექტირებას განახორციელებს ხულოს მუნიციპალიტეტის გამგეობის განათლების, კულტურის, სპორტის, ტურიზმისა და ახალგაზრდული საქმეთა სამსახური.

7.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

8. მომსახურების მიღება-ჩაბარების წესი

8.1. მომსახურების მიღება წარმოებს მიღება-ჩაბარების აქტის სახით, მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით.

8.2. მომსახურების მიღებას აწარმოებს ხულოს მუნიციპალიტეტის გამგეობის განათლების, კულტურის, სპორტის, ტურიზმისა და ახალგაზრდული საქმეთა სამსახური.

8.3. გამოვლენილი დეფექტის ან ნაკლის აღმოფხვრასთან, ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“.

8.4. მიღება-ჩაბარების აქტის გაფორმებასთან ერთად შემსყიდველს წარედგინება ანგარიშსწორებისათვის ყველა დოკუმენტი.

9. ანგარიშსწორება

9.1. ანგარიშსწორება ხორციელდება შემდეგი პირობებით:

ა) ანგარიშსწორების ვალუტა – ლარი.

ბ) ანგარიშსწორება მიმწოდებელთან განხორციელდება მიღება-ჩაბარების აქტის გაფორმებისა და საგადახდო დოკუმენტაციის წარმოდგენის შემდეგ 10 (ათი) სამუშაო დღის განმავლობაში.

9.2. თუ ანგარიშსწორება უნდა შესრულდეს არასამუშაო დღეს, მაშინ ამ დღის ნაცვლად გამოყენებული უნდა იქნეს მომდევნო სამუშაო დღე.

10. ხელშეკრულების შესრულების შეფერხება

10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ვერ ხერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ გონივრულ ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1. მხარეთა მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

11.2. ხელშეკრულებით ნაკისრი ვალდებულებების, შეუსრულებლობის ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,02% პროცენტის ოდენობით;

11.3. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 0.2% პროცენტს, შემსყიდველს უფლება აქვს შეწყვიტოს ხელშეკრულება.

11.4. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით;

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2 თუ ასეთი მოლაპარაკების დაწყებიდან 5 (ხუთი) სამუშაო დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს სასამართლოს კანონით დადგენილი წესით.

14. ხელშეკრულების შეწყვეტა

14.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

14.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2018 წლის 31 იანვრის ჩათვლით.

16. ფორს-მაჟორი

16.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

16.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

16.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოების ზეგავლენისაგან.

17. სხვა პირობები

17.1 ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

18. მხარეთა რეკვიზიტები

„შემსყიდველი“

ხულოს მუნიციპალიტეტი

მის.: დაბა ხულო ტბელ აბუსერისძის ქ. №1

ხაზინის ერთიანი ანგარიში

ს.კ 248056311 ბ/კ: TRESGE22

ანგ. №GE24NB0330100200165022

ხულოს მუნიციპალიტეტის

გამგებელი

ბესიკ ბაუჩაძე



„მიმწოდებელი“

შპს „ჩარტერი“

მის.: ბათუმი, რურუას ქ, N1

ს.ს. „საქართველოს ბანკი“

ს. კ. 445508068 ბ/კ BAGAGE22

ანგ. # GE22BG0000000215606000

შპს „ჩარტერი“-ს

დირექტორი

ზაზა დავითაძე



ტექნიკური პირობები

- ა) მგზავრთა დროულად და უსაფრთხოდ გადაყვანა უნდა განხორციელდეს ყველა სატრანსპორტო წესების დაცვით და გათვალისწინებით;
- ბ) გასაწევი მომსახურების პერიოდის განმავლობაში ავტოსატრანსპორტო საშუალებები უნდა იყოს ტექნიკურად გამართულ მდგომარეობაში;
- გ) სატრანსპორტო საშუალება უნდა იყოს გამართულ მდგომარეობაში, მძღოლი უნდა იყოს მაღალკვალიფიკაციური და ფლობდეს „D“ კატეგორიის მართვის მოწმობას და შესაბამისი სატრანსპორტო საშუალების პრაქტიკული მართვის გამოცდილებას.
- დ) მიმწოდებელის ავტოსატრანსპორტო საშუალებას უნდა ჰქონდეს გამართული გათბობისა და გაგრილებელის მოწყობილობები და უნდა იყოს არანაკლებ 40 კაცის ტევადობის, ტრანსპორტის გამოშვების თარიღი არ უნდა იყოს 2000 წელზე ნაკლები, ვარგისიანობის ტესტირების დოკუმენტი თან უნდა ჰქონდეს.

შპს „ჩარტერი“-ს დირექტორი




ზაზა დავითაძე



ხულოს კულტურის ცენტრთან არსებული ბავშვთა ქორეოგრაფიულ ანსამბლ „არგინეთი“-სა და ანსამბლ „ხულო“-ს

ბულგარეთში ფესტივალში მონაწილეობის ტექნიკური დავალება

#	მომსახურების დასახელება	მომსახურების აღწერილობა	განზომილება	რაოდენობა
1	დოკუმენტაციის ხარჯები	ანსამბლის 21 არასრულწლოვანი წევრების მინდობილობების თარგმნა და ნოტარიულად დამოწმება (გაწეული ხარჯების დამადასტურებელი დოკუმენტი უნდა წარედგინოს შემსყიდველს)	კაცი	21
2	მონაწილეთა ტრანსპორტირება მარშრუტზე ხულო (საქართველო), თურქეთის რესპუბლიკის გავლით, ბულგარეთის რესპუბლიკა, ქ. ორიაპოვიცა- ხულო (საქართველო)	19-25 ივნისამდე 30 მონაწილის ტრანსპორტირება მითითებულ მარშრუტზე. ავტოსატრანსპორტო საშუალება უნდა იყოს არანაკლებ 40 ადგილიანი, გათბობისა და კონდენცირების გამართული სისტემებით, ტრანსპორტის გამოშვების თარიღი არ უნდა იყოს 2000 წელს უკან, უნდა წარმოადგინოს ვარგისიანობის ტესტირების დოკუმენტი	მომსახურება	1
3	მონაწილეთა კვება ტრანსპორტირების დროს	30 მონაწილის დღეში სამჯერადი კვება 4 დღის განმავლობაში ტრანსპორტირების დროს	კაცი	30
4	მონაწილეთა ტრანსპორტირება ადგილზე ფესტივალის მსვლელობის დროს	30 მონაწილის ტრანსპორტირება ქ. ორიაპოვიცაში ფესტივალის მსვლელობის დროს	მომსახურება	1
5	ფესტივალის ორგანიზატორებისთვის საჩუქრების შეძენა	შემსყიდველის მიერ შერჩეული 5 დასახელების სხვადასხვა სახის სუვენირების შეძენა	სუვენირი	5
		მსგავსი ან ანალოგი (დანარჩენი 3 უნდა იყოს ტილოზე შესრულებული ნახატი ზომით არანაკლებ 70*100, ჩარჩოში ჩასმული ან სხვა სუვენირი		


შპს „ჩარტერი“-ს დირექტორი



ზაზა დავითაძე

ხულოს კულტურის ცენტრთან არსებული ბავშვთა ქორეოგრაფიულ ანსამბლ „არგინეთი“-სა და ანსამბლ „ხულო“-ს

ბულგარეთში ფესტივალში მონაწილეობის ფასების ცხრილი

#	მომსახურების დასახელება	მომსახურების აღწერილობა	განზომილება	რაოდენობა	ერთეულ ის სავარაუდო ფასი	სულ ფასი
1	დოკუმენტაციის ხარჯები	ანსამბლის 21 არასრულწლოვანი წევრების მინდობილობების თარგმნა და ნოტარიულად დამოწმება (გაწეული ხარჯების დამადასტურებელი დოკუმენტი უნდა წარედგინოს შემსყიდველს)	კაცი	21	20	420
2	მონაწილეთა ტრანსპორტირება მარშრუტზე ხულო (საქართველო), თურქეთის რესპუბლიკის გავლით, ბულგარეთის რესპუბლიკა, ქ. ორიაპოვიცა- ხულო (საქართველო)	19-25 ივნისამდე 30 მონაწილის ტრანსპორტირება მითითებულ მარშრუტზე. ავტოსატრანსპორტო საშუალება უნდა იყოს არანაკლებ 40 ადგილიანი, გათბობისა და კონდენსირების გამართული სისტემებით, ტრანსპორტის გამოშვების თარიღი არ უნდა იყოს 2000 წელს უკან, უნდა წარმოადგინოს ვარგისიანობის ტესტირების დოკუმენტი	მომსახურება	1	10805	10805
3	მონაწილეთა კვება ტრანსპორტირების დროს	30 მონაწილის დღეში სამჯერადი კვება 4 დღის განმავლობაში ტრანსპორტირების დროს	კაცი	30	80	2400
4	მონაწილეთა ტრანსპორტირება ადგილზე ფესტივალის მსვლელობის დროს	30 მონაწილის ტრანსპორტირება ქ. ორიაპოვიცაში ფესტივალის მსვლელობის დროს	მომსახურება	1	600	600
5	ფესტივალის ორგანიზატორებისთვის საჩუქრების შეძენა	შემსყიდველის მიერ შერჩეული 5 დასახელების სხვადასხვა სახის სუვენირების შეძენა	სუვენირი	5	80	400
		მსგავსი ან ანალოგი (დანარჩენი 3 უნდა იყოს ტილოზე შესრულებული ნახატი ზომით არანაკლებ 70*100, ჩარჩოში ჩასმული ან სხვა სუვენირი	სულ ჯამი			14625.00

შპს „ჩარტერი“-ს დირექტორი

ზაზა დავითაძე

